

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10) i Programom utroška sredstava Ministarstva za rad, socijalnu politiku i izbjeglice za 2021. godinu, broj: 02-23-10009/21 od 13.07.2021. godine, broj: 02-11-12801/21 od 23.09.2021. godine i broj: 02-11-16137/21 od 03.12.2021. godine, na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 136. sjednici, održanoj dana 28.12.2021. godine, d o n o s i

ODLUKU

o sufinansiranju projekta „Rekonstrukcija putne infrastrukture u naselju Skroze“ općina Zavidovići

Član 1.

(Predmet)

Odobravaju se Općini Zavidovići novčana sredstva u iznosu od 35.000,00 KM (slovima: tridesetipethijada konvertibilnih maraka) na ime učešća Zeničko-dobojskog kantona u sufinansiranju projekta „Rekonstrukcija putne infrastrukture u naselju Skroze“, općina Zavidovići, s ciljem potpore povratka na područje općine Zavidovići.

Član 2.

(Analitička konta)

Sredstva za realizaciju infrastrukturnog projekta iz člana 1. ove odluke isplatit će se iz Budžeta Zeničko-dobojskog kantona za 2021. godinu („Službene novine Zeničko-dobojskog kantona“, broj: 7/21 i 18/21), razdjel 20- Ministarstvo za rad, socijalnu politiku i izbjeglice, budžetska organizacija 01, potrošačka jedinica 0001, ekonomski kod 615100, subanalitika KAD 202, pozicija Budžeta: „Sredstva za podsticaj povratka izbjeglih i raseljenih lica“.

Član 3.

(Uplata sredstava)

Odobrena sredstva će se uplatiti na transakcijski račun Općine Zavidovići broj: 1020320000027070 otvoren kod Union banke d.d. Sarajevo, ID broj: 4218234570005, vrsta prihoda 732114, šifra općine 102, sa naznakom Svrha uplate: „Učešće Zeničko-dobojskog kantona u sufinansiranju projekta „Rekonstrukcija putne infrastrukture u naselju Skroze“, općina Zavidovići“.

Član 4.

(Izvještavanje)

Obavezuje se Općina Zavidovići, da Ministarstvu za rad, socijalnu politiku i izbjeglice Zeničko-dobojskog kantona da odmah po završetku radova dostavi narativni i finansijski izvještaj o namjenski utrošenim sredstvima.

Član 5.

(Realizacija Odluke)

(1) Za realizaciju ove odluke zadužuju se Ministarstvo za rad, socijalnu politiku i izbjeglice, Ministarstvo finansija i Općina Zavidovići, svako u okviru svojih nadležnosti.

(2) Zadužuje se Općina Zavidovići da provede procedure odabira najpovoljnijih izvođača radova za realizaciju projekta iz člana 1. ove odluke u skladu sa Zakonom o javnim nabavkama Bosne i Hercegovine („Službeni glasnik BiH“, broj: 39/14), te da po okončanju poslova izvrši doznaku odobrenih finansijskih sredstava na račun odabranog izvođača radova.

Član 6.
(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona”.

PREMIJER

Mirnes Bašić

Broj: 02-11-17282/21

Datum, 28.12.2021. godine

Zenica

DOSTAVLJENO:

1x Ministarstvo za rad, socijalnu politiku i izbjeglice,

1x Ministarstvo finansija,

1x Općina Zavidovići, putem Ministarstva,

1x „Službene novine Zeničko-dobojskog kantona“,

1x a/a.